

KUTEKA LICALA

 Babe wetfu loseZulwini, siyakubonga Wena ngenhlanhla lesinayo yekubutsana ngaphansi kwaloluphahla kulentsambama, futsi, kuva Livi laNkulunkulu, nekubona inkhatimulo yeNkhosi Jesu Khristu. Singaphansi kwekulangatelela lokukhulu, Babe. Futsi sikhulekela kutsi Utosemukela kulentsambama, futsi uhloniphe imitamo yetfu lesiyentile kuta sitoKukhonta. Busisa wonkhe umphefumulo lolapha. Siyacondza kutsi tintfo letinhle nguleto letilukhumi kutitfola. Ngako siyakhuleka, kutsi ngenca yekutinikela kwabo, aekho lotoshiywa ngaphandle kepha lotophiliswa kulentsambama. Sindzisia labalahlekile futsi utfole inkhatimulo kuWe lucobo. Sicela eGameni laJesu Khristu. Amen.

Ningahlala phansi.

² Luphahla lwetfu lwelithayela lutsi kwenta kubelukhumi kini kutsi nive. Sitotsatsa lesincanyana nje sikhatsi, kutsi sikhulume kini. Sitobese-ke sesichubekela embili ngco nelilayini lalabakhulekelwako, ngoba nguloko lesikukhetsele lentsambama, bekukukhulekela labagulako.

³ Futsi manje ngifuna kusho loku. Angati kutsi kunini lapho ngake ngakujabulela kuba nelicembu lebantfu kwendlula kuba nalelicembu lapha. Benikahle sibili. Bengitjela uMnaketfu Johnson, esikhashaneni lesendlulile, kutsi angati kutsi ngake ngawujabulela nini umhlangano kancono. Umoya lomangalisa kanje emkhatsini wenu bantfu, nenkholelo, kukholwa. Ngitsanza kuhlala lapha cishe inyanga, kute impela satane lomunye nalomunye. Ngalokwejwayelekile, cishe ngesikhatsi utfola kwatana, khona-ke sekusikhatsi sekutsi utsi "hamba kahle" futsi uye ndzawanatsite.

⁴ Angati kutsi leliphoysa lelincane ngubani ngephandle lapha, lime ngephandle lapho kuyo yonkhe leyomvula, lingakafaki sigcoko, litama kucondzisa letotimoto. Uma nomina ngubani alati, ngibongeleni lona sicuti senu, nitokwenta na? Ngryanitjela, lente umsebenti lomuhle sibili.

⁵ Ngifuna kubonga lendvoda lengene lapha futsi yahlanta lendzawo, futsi beyilungiselela loku, kutsi lomhlangano bewungaba lapha namuhla. Ngryanitjela, sive sikweleta lamakhulu emavi ekubonga kubantfu balessosibindzi, lotokwenta loko. Nginikweleta lamakhulu emavi ekubonga, ngebantfu labaphuma ngelusuku lolunjengalolu. Bantfu labanengi kakhulu bebathohlala ekhaya. Ngi—ngiyasitsakasela sibindzi senu. Nani nime lapha emkhatsini wabo bonkhe kulobumatima lobu, nihleti ngaphansi kwaloluphahla,

kulukhuni kuva kutsi kwentekani, kodvwa noko nitimisele kuhlala nomakunjalo. Loko kutsi, leso sibindzi. Ngi—ngiyakutsanza loko. Ngihlala njalo ngicabanga ngaleloculo:

Ngifanele ngetfwalwe ngiyekhaya eZulwini
Kulolula umbhedze lohlotjiswe ngetimbali,
Babekantsi labanye balwa kutsi bazuze
umklomelo,
Futsi bagwedla badzabula tilwandle
letinengati na? (Ya, bumatima!)

⁶ Ngashumayela, ngalesinye sikhatsi kungesiko kadzeni, eNingizimu Africa, lapho lalina khona kakhulu impela ngesikhatsi sesiphepho lesiletsa imvula, kwaze kwatsi besifazane, bahleti nje ndzawo tonkhe netinwele tabo tehla tenta imishi, basolo bahleti lapho lusuku lonkhe kuleyomvula. Angikaze ngibone umhlangano lonjena wekuphilisa emphilweni yami!

⁷ EMexico, kungesiko kadzeni, ngiyakhumbula ngime entasi lapho ngishumayela, ngesikhatsi lalikadze lina kanjena, ngephandle kuleyonkhundla yenkhunzi lapho, lusuku lonkhe. Nalabobantu bekalapho ngensimbi yemfica ngaloko kusa, bahleti emvulen. Newesifazane loneluswane lolufile etandleni takhe. Lolumwane lwalufe ebusuku bangayitolo, naloloswane loluncane lulele lugongobe, emikhonweni yakhe. Umfo bekakadze anikete emakhadi emkhuleko, futsi sekawanikete onkhe. Bekangasekho emakhadi emkhuleko. Bangehlisa ngentsambo, emuva ngemvakwenkhundla, kutsi ngingene enkhundleni lenjengalena. NaBilly weta kimi agijima. Watsi, “Babe, angati kutsi ngitokwentani.” Watsi, “Nginaboasha labangemakhulu lamatsatfu beme lapho.”

⁸ Futsi bangakhi lomatiko Jack Moore? Cishe impela nonkhe niyamati Jack Moore, lapha, ngiyacabanga. Bekenami.

⁹ “Futsi kunewesifazane lomncane ngephandle lapho,” watsi, “loneluswane lolufile, lufe manje ekuseni.” Loko kwakucishe kube yinsimbi yemfica ngalobo busuku. Wafa ngaloko kusa ehhovisi ladokotela. Futsi watsi, “Ufuna loloswane lolufile luletfwe elayininini.” Watsi, “Angisenawo emakhadi, futsi umugca sengiwumisile.” Watsi, “Angati.” Futsi liyayidliva imvula kakhulu impela; beme kuyo nje lapho, imvula lebandzako. Ngabuka ngephandle lapho, nalabo besifazane labancane baseMexico, tinwele tabo tilenga, banetsiwe nje, bamanti, ngaphansi kwaletotibane. Futsi wawungeke ukhone nje kubona ngephandle, ngale, lina kakhulu impela. Yebo-ke, ngatsi... “Yebo-ke,” watsi, “Akabambeki,” watsi, “sina—sinabo-asha labangemakhulu lamatsatfu.” Watsi, “Ukhwela etulu ngco etikwabo, futsi unaloloswane lolufile.”

¹⁰ Ngatsi, “Yebo-ke, Mnaketfu Moore, awehli ngani futsi umkhulekele na?” Futsi bengishumayela cishe imizuzu

lelishumi, ngiyacabanga, lokutsite. Ngase ngitsi, "Awuhambi ngani uyomkhulekela," ngatsi, "ngoba angeke ati kutsi ngingubani, noma namuntfu; kwakukadze kunetikhulumi letinengana." Ngatsi, "Akati kutsi ngingubani. Hamba uyokhulekela loluswane naloko kuyomenelisa."

¹¹ Watsi, "Kulungile, Mnaketfu Branham." Wacala kusuka ngembili.

¹² Futsi kwakunencumbi yetimphahla letindzala, tiphakeme *kangaka*, kusuka le cishe, o, mhlawumbe emashumi lamabili noma emayadi langemashumi lamatsatfu. Imphumphutse yayemukele kubona kwayo, busuku bangayitolo, futsi ngako bebatsatseke impela. Emaphesenti langemashumi layimfica kuyiKhatolika.

¹³ Ngako manje-ke ngacula kushumayela. Ngatsi, "Njengoba bengisho, kukholwa kuyi sub-..."

¹⁴ Ngabuka, kume embikwami, futsi kwakukhona luswane loluncane lolungumMexico; buso lobuncane lobumnyama, tisini letincane, kungekho matinyo, nje tikhanya, tisini letincane kanjalo. Ngase ngiyacabanga, "Loyo kufanele kube nguloyomntfwana." Ngatsi, "Awume kancane, Mnaketfu Moore. Tjela lodzadze lomncane kutsi aletse loluswane lapha."

¹⁵ Ngako bavula, indzawo; kute—kute likhadi lekukhulekelwa. Bekangakafaneli impela kungena, kodvwa bekaphikelele. Nguloko—nguloko lokufunako. Ngako bekaletse loluswane.

¹⁶ Ngatsi, "Babe loseZulwini!" Kusobala, abawuhumushi umkhuleko. Ngatsi, "Angati noma ngabe nguloluswane yini lolu, noma cha. Ngisanda kubona luswane loluncane nje. Kodvwa uma kungilo, kuyinloniphyaKho kulowo wesifazane enta lokutinikela loku." Ngabeka tandla tami etikwaleyongubo lencane leluhlata sasibhakabbaka, nalolohlaka loluncane lolugongobele lolutsi alube ludze *kangaka*, lulenga lumphuma emikhonweni yallowesifazane.

¹⁷ Naloluswane Iwasho lukhala futsi lucala kukhahlela, ngetulu kwelayo...lukhala nje kakhulu impela ngako konkhe. Loluswane belu...Manje lodzadze lomncane wawa phansi wase ucala kumpongolota, "Padre!" *Padre* kusho kutsi "babe," niyati. Bekanebuhlalu esandleni sakhe.

Ngatsi, "Loko akunasidzingo."

¹⁸ Futsi ngatsi kuMnaketfu Espinoza, umshumayeli wePhentekhostali. Labanengi, ngiyacabanga, ngiyacabanga niyamati. Ya, uMnaketfu Espinoza. Ngatsi, "Manje ungabhalil kutsi, 'loloswane belufile.' Angati. Intfo kuphela lengiyibonile kwakunguloko lapho, lowombono." Ngatsi, "Landzela si—sigijimi emvakwalowo wesifazane, futsi umyekele ahambe futsi usayinise dokotela sitatimende kuko."

¹⁹ NeliPhimbo lemaDvodza labosomaBhizinisi labangemaKhristu madvute nje yayicuketse sitatimende, “Dokotela uniketa bufakazi, ‘loluSwane lwabulawa yinyumoniya lephindvwe kabi,’ ehhovisi lakhe ngaloko kusa, ‘alishumi nesihlanu kube yinsimbi yemfica.’” Futsi loko kwakungensimbi yelishumi nco ngalobobusuku, iNkhosi Jesu ibuyisa kuphila kwayo futsi, ngenca yekutinikela. Manje, loko kuliciniso impela! Nkulunkulu eZulwini uyati kutsi loko kunjalo. Sitatimende lesicinisekisiwe! Lesitativende manje sisetandleni teMadvodza labosomaBhizinisi labangemaKhristu, Demos Shakarian ungu nat...ngumcondzisi wemave ngemave. Unaso sitatimende sisayinwe ngudokotela, “Luswane lwafa lunenyumoniya lephindvwe kabi, ngaloko kusa.” Futsi ngeleshumi nco ngalobobusuku loluswane lwaphiliswa, ngenca yekukholwa kwamake lobekaphikelele kutsi akwente. Loko kunjalo.

²⁰ Ngalokufanako nje njengoba lowesifazane lomncane waseShunemi bekaphikelele kufika ku-Eliya!

²¹ Kufana nje njengalowesifazane longumSerofenike longumGrikhi bekaphikelele kufinyelela kuJesu. Bekati kutsi bekanendvodzakati lenesifo sesitfutfwane. Naloku nje, bekangesilo ngisho liJuda. Imvuselelo yayingekho kubantu bakubo. Kwase kutsike ngesikhatsi Efika, wafinyelela kuYe, Watsi, “Akukuhle kimi kutsatsa sinkhwa sebantfwana ngisiphe tinja.” Wambita ngenja.

²² Watsi. “Liciniso lelo, Nkhosi.” Niyabona kutsi kukholwa sibili kuyolifikazela kanjani Livi kutsi liliCiniso! “Liciniso, Nkhosi, kodvwa tinja tiyavuma kudla timvutfu ngaphansi kwelitala lenkhosi.”

²³ Watsi, “Ngenca yalenkhulumo lena, umntfwanakho sewuphilisiwe.” Futsi wakutfolia ngendlela lefanako, ngoba bekaphikelele.

²⁴ Ngiyabonga, kakhulu impela, bangani. INkhosi ibusise ngamunye, bashayi betinsimbi, Dzadze Ungren lapha, nabobonkhe bangani bami. Ngiyabona lapha labanengi bebangani bami ungenele lomhlangano. Ngibone, namuhla, uMnaketfu naDzadze Evans. Angati noma uyangiva yini ngisho, noma cha. Babuya ngale eMacon, eGeorgia. Dzadze Ungren lapha na-nabobonkhe labavela enhla eMemphis, eTennessee. NeMnaketfu Palmer naDzadze Palmer, nebangani babo. NeMnaketfu Parnell, umngani wami longumfundisi lapho. Ngibabona nje bahleti ndzawotonkhe lapha manje, bebangani, bangani labacondzene nami. UMnaketfu J.T. lapha, lovela-lovela eGeorgia, futsi, umngani wakhe. Futsi sibonga impela kutsi sibe nani nonkhe lapha, nekukholwa kwenu nelitsema. Labanye balababantu bashayela bayotsi ngcu eJeffersonville, e-Indiana, njalo ngeliSontfo ngishumayela

enhla lapho, bayeta nje kutolalela. Manje-ke ngiyanitjela, kutsi, live alikafanelwa bantfu labanjalo, ngekubona kwami. Lowo ngimi lengikucabangako. Nine bantfu lapha, siyintfo yinye nje lenkhulu yaKhristu. Siyakholelwa kuYe.

²⁵ Futsi manje bekungeke kube ngumhlangano ngaphandle uma ngitsetse imizuzu lembalwa kufundza Livi bese ngendlulisa kuphawula lokumbalwa. Ngoba, uma wetsembekile ngalokwenele kuhlala lapha kadze kangako, ngifuna kwetsembeka ngalokwenele kuloko, kufundza umBhalo bese nje ngendlulisa kuphawula noma lokubili, bese-ke sitocala lilayini lemkhuleko.

²⁶ Manje ngitofundza namuhla emBhalweni, kusukela kuMakho sahluko se 16, kwemizuzwana lembalwa nje, kudvonsa kulengcikitsi. Ngitocala evesini le 14.

Futsi emvakwekuba sekabasolile, *kulabalishumi nakunye... wabonakala kulabalishumi nakunye njenge... bahleti ekudleni, futsi wabasola ngekungakholwa kwabo nangebulukhuni benhlitiyo, ngoba bebangabakhholwanga labo lebebambonile emvakwekuba sekavukile.*

...watsi kubo, Hambani niye eveni lonkhe, futsi nishumayele lwangeli kuko konkhe lokudaliwe.

²⁷ Manje khumbulani, “Lonkhe live, leliVangeli, kuko konkhe lokudaliwe.” Labanye utsi Laphela nebaphostoli. Washo lapha, kutsi, umyalo waKhe wekugcina eBandleni, wawukutsi, “Emhlabeni wonkhe, kuko konkhe lokudaliwe. Naletibonakaliso leti tiyobalandzela labakhholwako.” Kuphi na? “Emhlabeni wonkhe, kuko konkhe lokudaliwe.” Caphelani, ngulapho Akuniketela khona eBandleni; ngikhombiseni lapho Akususa khona. Uh-huh. “Eveni lonkhe!”

Loyo lokholvako... uyosindziswa;... loyo longakholwa uyolahluwa.

Naletibonakaliso leti tiyobalandzela labakhholwako; Ngeligama lami batawukhipha emadimoni; batokhuluma ngetilimi letinsha;

Bayophatsa tinyoka;... uma banatsa lokubulalako, akuyulimata, kubalimate; bayobeka tandla tabo etikwalabagulako, futsi batosindza.

Ngako... emvakwekuba iNkhosi seyikhulumile nabo, yemukelwa etulu ezulwini, yase ihlala ngesekudla saNkulunkulu.

Futsi baphuma,... bashumayela yonkhe indzawo, iNkhosi isebe nabo, ... acinisa livi ngetibonakaliso tilandzela. Amen.

²⁸ Manje, ngiyawukholwa lowomBhalo kutsi uCinisile.

²⁹ Ngaphambi kwekutsi ngikukhohlwe, indvodzana yami ingitjelile esikhshaneni lesendlulile, lomunye dzadze lomncane, nemyeni wakhe wase-Arkansas, bangibhakele likhekhe lwelusuku lwekutalwa futsi bangipha lona. Labanengi benu unginike emakhadi netintfo. Angibanga ngisho nesikhatsi sekufinyelela kuko namanje. Ngiyabonga, kakhulu impela. Nkulunkulu anibusise. Futsi ngiyetsema nine...sonkhe sictitsa lusuku lwekutalwa lwaPhakadze ngaleya, lapho siyohlala khona phansi, futsi ngifuna i—ngifuna iminyaka letinkhulungwane letilishumi ngamunye wenu, futsi nje sihlale phansi futsi sicoce. Futsi asiyuba nesikhatsi lesingaphansi, kutsi sicoce, kunaloku lesakwenta ngesikhatsi sicala. Lelo liCiniso. Manje ngiyanibonga ngako konkhe lenikwentile.

³⁰ Manje cishe nje kwemizuzu lelishumi, noma lishumi nesihlanu kakhulu impela, mhlawumbe, uma iNkhosi itsandza, kwendlulisa nje kuphawula lokumbalwa.

³¹ Ngifuna kusho loku, kutsi ngetsema kutsi umuzwa wami, uholela kuta; nine belusi niva niholeleka kutsi ningisite ngetimali kutsi ngite, loko kunginika umnyango lovulekile; nine bantfu netsembeka kutsi niphume; naJesu akaze ehluleke kodvwa loko Labonakala kitsi sonkhe sikhatsi, esibonakalisweni seli-awa lesiphila kulo. Futsi ngiyetsema kutsi kuvuka kwaKhe, lokungunaphakadze, Buntfu lobuPhakadze, neBukhona Bakhe, buniwungile kutsi niMtsandze futsi niMkhontu kakhulu kwendlula lenake nakwenta kuyoyonkhe imphilo yenu, kutsi nihlose enhlitiywani yenu kutsi niphile ngekweliciniso kuYe, futsi niphile ngalokusondzela kakhulu, kancono.

³² Ngeva indzaba kanye leyatjelwa mine, ngekutsi ngesikhatsi banetigila lapha eNingizimu.

³³ Bebamise kutitsengisa etimakethe, nakanjalonjalo, njengoba benta ngesikhatsi kusikhatsi setigila. Wona, emaBhunu, atingenisa, ngephandle lapha esiChingini saseJamaica. Kwase kutsi-ke bantfu ngalapha, bebatishushumbisa batingenise. Futsi babatsengela kutsi babe tigcila, lokwakusemtsetfweni ngaletotinsuku. Futsi bebendlula futsi batitsenge, futsi bebatfola letinhle tigcila letizimukile, ngani, bebayaye...Bebatalanisa leso sigcila lesikhulu lesizimukile newesifazane lozimukile; loko kwakutokwenta indvodza lencono. Kungalesosizatfu babompetha bemhlaba namuhla, etintfweni, ekulweni kwabo. Baba nje nekutalaniswa, njengetinkhomo, nakanjalonjalo.

³⁴ Kodvwa manje-ke sitfolu umtsengi, ngalesinye sikhatsi, lotsenga atsengisele labanye wefika kutotsenga ehlatsini letihlahla lapho bebatsi ababe netigila letilikhulu.

³⁵ Naletotigcila, tatikhona, tatidzabukile. Bebatibhacabula, kutenta tisebente, ngoba tatikhashane nelikhaya.

Tatishushumbiswa, titfunjwa, tangena ekutunjweni futsi sashushumbiswa. Futsi bebadzingeka batibhacabule, kutenta tisebente, ngoba tatiphele emandla; tikhashane nelikhaya. Atisayophindze timbone babe namake. Atisayophindze timbone umkato noma bantfwana. Kwakuludzaba loludzabukisako.

³⁶ Nalona lotsenga atsengisele labanye, ngalelinye lilanga, ufika ngasehlatsini lelihlanyelwako, watsi, “Unetigcila letingakhi?”

Watsi, “Cishe likhulu.” Watsi, “Ake utibukabuke.”

³⁷ Futsi waphumela lapho, futsi waticaphela, kutsi tonkhe tatikanjani... Kodvwa munye umfo losemusha, bebangadzingi kutsi bambhacabule. Sifuba sakhe bekasichunsulile. Silevu sakhe sasibheke etulu, siconde ngco. Futsi ngako lolotsenga atsengisele labanye, umtsengi, watsi kulomnikati, watsi, “Awusho, ngitsandza kutsenga lesa sigcila.”

Watsi, “O, cha. Asitsengisi.”

³⁸ Watsi, “Yebo-ke,” watsi, “ngabe lesosigcila, singubasi etikwato tonkhe leletinye na?”

Watsi, “Cha, cha, asisuye basi.”

Watsi, “Ngabe usondla ngalokwehlukile na?”

³⁹ Watsi, “Cha. Tonkhe tidla ngephandle lapho emgcomeni wekudlela, ndzawonye. Usigcila nje.”

Watsi, “Yini pho lementa yena ehluke kangaka kulabalanye?”

⁴⁰ Watsi, “Ngangitibuta nami sikhatsi lesidze, cobo lwami, lokwakumenta ehluke. Kodvwa ngalelinye lilanga ngatfola. Ngesheya eveni lendzabuko, lapho bavela khona, e-Africa, uyise uyinkhosi yesive. Kepha noko, naloku angumfokati, uyati kutsi uyindvodzana yenkhosi, futsi utiphatsisa kwayo.”

⁴¹ O, loko bekufanele kwenteni kitsi! Naloku nje sehlukanisiwe, noma siseveni lelimnyama lekungakholwa, nelusizi nekugula nekufa, kepha noko asitiphatsise kwemadvodzana nemadvodzakati aNkulunkulu. Singemadvodzana nemadvodzakati eNkhosi. Kufanele kuntjintje simo setfu, yonkhe intfo. Akunandzaba kutsi lonkhe live liyini, sifanele sibambe emalungelo aNkulunkulu. Siyakhumbula kutsi leli akusilo likhaya letfu. Asisibo balelive. Asisibo balelive. Sitalwa nguMoya waNkulunkulu, longeTulu.

⁴² Ngihamba, nemkami, lapha kungesiko kadzeni, siya esitolo segrosa. Ngibone intfo lengakejwayeleki ngesikhatsi sasehlobo, e-Indiana, wesifazane bekagcoke ingubo. Abasayigcoki nhlobo, niyati. Futsi ngako umkami watsi... Ngatsi, “Yebo-ke, buka laphaya. Angati noma lowesifazane ungumKhristu yini?”

⁴³ Batsi, “Yebo-ke, bonkhe laba besifazane; ngiyabati labanye babo lapha, bahlabela emakwayeni emabandleni.” Watsi,

“Kungani kunjalo, Bill, kutsi benta loko?” Ngatsi, kusobala . . .
“Futsi—futsi bantfu betfu abakwenti loko.”

Ngatsi, “Kusobala. Sibesive lesehlukile.”

Watsi, “SingemaMerica, asisiwo na?”

⁴⁴ Ngatsi, “O, cha. Sikhempile nje lapha. Asisiwo emaMerica.”
Ngatsi, “Uyabona, sivela ngeTulu.”

⁴⁵ Moya loyiNgcwele wehla, wahlanganisa tinhltiyo tettfu naNkulunkulu, futsi sivuma, njenga-Abrahama, “Sitihambi nebafokati.” Leli akusilo likhaya letfu. “Sifuna lidolobha uMakhi nementi walo kunguNkulunkulu,” avela ngeTulu. Yebo, singemadvodzana nemadvodzakati eNkhosi.

⁴⁶ Manje ngitoletsa intfo lencane levakala ihlekisa, kwemizuzu lembalwa nje, kodvwa ngitoba nekutsetfwa kwelicala, kutsetfwa kwelicala lasenkantolo lapha.

⁴⁷ Niyangiva na? Ningiva kuze kufikephi emuva, phakamisani tandla tenu. Yebo-ke, kuhle. Emuva *ngalapha*, niyangiva na? Kuhle. Ngikhulumu kakhulu impela, cishe impela nje, ngako konkhe lengingawkenta.

⁴⁸ Ngitoba nekutsetfwa kwelicala lasenkantolo, nelicala, likutsi, “Livi laNkulunkulu, lelitsenjisive, libhekene nelive.” Manje sitolihlela njengelicala lasenkantolo, kancanyana nje, ngaphambi kwekutsi nite ngalelilayini lalabakhulekelwako. “Livi laNkulunkulu libhekene nelive,” manje licala.

⁴⁹ Imbangela yaloku kubekwa licala kwephulwa kwenetsembiso, leso se, “Tetsembiso taNkulunkulu,” basho kutsi, “Nkulunkulu akasigcini setsembiso saKhe.”

⁵⁰ Ummeli loshushisako kulelicalu nguSathane, futsi ungfakazi welive, ngoba waseveni.

Ummangalelwu kulelicalu nguNkulunkulu Somandla.

Fakazi lovikelako walelicalu nguMoya loNgcwele.

Sitobabitela ekutekisweni licala, imizuzu lembalwa nje.

⁵¹ Bofakazi bemshushisi, kutsi uletsu kuvikela licala lakhe, nguMnumz. Longakholwa, uMnumz. Mncikati, neMnumz. Longabeketeli.

⁵² Sitobanika kutsetfwa kwelicala. Inkantolo ibitwa kutsi ime ngemumo manje. Umshushisi ubita fakazi wakhe, uMnumz. Longakholwa. Utsatsa sincumo sekuma, kucala.

⁵³ Nisangiva na? Tsanini, “Amen.” [Libandla litsi, “Amen.”—Umhl.] Kulungile. Kuhle. Manje ngitiva ngitsite kuhkululeka kakhudlwana.

⁵⁴ Manje, niyacondza, licala lelimelene naNkulunkulu, kutsi uMnumz. Longakholwa neMnumz. Mncikati neMnumz. Longabeketeli ubitela Nkulunkulu e—ekutekweni kwelicala, “ngoba Akaligcini Livi laKhe,” bayasho. Kulungile.

⁵⁵ Ummeli loshushisako kulelical, uhlala njalo amelete umbuso, ngako ummeli loshushisako kulesimo lesi nguSathane lucobo lwakhe. Futsi u... .

Sibita kutsetfwa kwecala.

⁵⁶ Kulungile, babita lowekucala kutsi eme ebbokisini lafakazi, lowo nguMnumz. Longakhola. Ukhonona loku, kutsi, “Konkhe kweLivi leletsenjisiwe laNkulunkulu akusilo liciniso.”

⁵⁷ Manje Utotekiswa licala ngaloku. Lalelisisan manje. Ningakugeji.

⁵⁸ Usho kutsi Makho 16, lengisandza kumfundza nje, kwashunyayelwa kuye emhlanganweni lotsiwa waMoya loNgeweles lapho labanye batisho kutsi bayaphiliswa. Naloko kwashunyayelwa kuye, eminyakeni emibili leyendlulile, futsi akukho mehluko kuye namanje, kutsi, “Leti ‘tibonakaliso’ atililandzeli likholwa.” Watsi wenta kusho kwakhe ngekumelana naWo. Kulungile, uhlala phansi.

⁵⁹ Sibita fakazi lolandzelako. Lowo nguMnumz. Mncikati. Utsatsa umBhalo weLivi laNkulunkulu, laJakobe 5:14. Futsi utsi bekasendzaweni lapho basho khona kutsi emalunga labitwa, futsi wagcotjwa ngemafutsa futsi wakhulekelwa. Futsi loko kwase kungetulu kwenyanga leyendlulile, futsi akukaze kubeneluntjintjo kuye noko, ngako uyati kutsi loko liphutsa. Ubita Nkulunkulu, futsi ubeka Nkulunkulu licala, ngako.

⁶⁰ Fakazi lolandzelako nguMnumz. Longabeketeli. Ungumfo lomubi kabi. Kulungile. UMnumz. Longabeketeli, utisho kutsi wafundza eVini laNkulunkulu, kuMakho 11:22 nelema 23, kutsi ngesikhatsi uma ukhulekile, uma ukukholiwe loko lokukhulekile, uyakwemukela, ufanele ubenako loko lokucelile. Futsi utsite wacela kubeka phansi timboko takhe, emvakwekuba sekafundze Livi futsi wacela Nkulunkulu kutsi amphilise. Futsi wacela kutsi alahle timboko takhe, naloko sekube yiminyaka lesihlanu leyendlulile, futsi akakaze akhone kutibeka phansi kusukela lapho.

⁶¹ Ngako ba—ngako batisho kutsi, “Nkulunkuluakanasizatfu lesiphatkakao ekubekeni tetsembiso letibudlabha kanje eVini laKhe.” Manje seniyalicondza lelical manje ngekumelana naNkulunkulu na? “Akanasizatfu lesiphatkakao ekwenteni loko, kubeka imiBhalo lenjalo njengaMakho 11:23, 22 nelema 23, naMakho 16, Jakobe 5:14, netetsembiso letinjengaleso.” Babeka Nkulunkulu licala ngekwephula setsembiso, kutsi, “Wephule setsembiso saKhe, futsi akakhoni kuma ngakuSo.” Futsi baMbeka licala ngekubeka lokunjalo eVini laKhe, ngoba, “Bantfwana baKhe labakholwako abakhonjwa ngekutisho, futsi kubabangela kutsi bahlushwe, ngoba abasibo. Nkulunkulu akalikhombi Livi laKhe emvakwekuba Sekente setsembiso.”

⁶² O, sinelicala leliphatsekako lapha manje. Ngiyababuka, kutsi bangafakaza kanjani! noko, kuva bofakazi basukuma futsi

batsi, "Noko, singemakholwa!" Batisho kutsi bangemakholwa, cobo lwabo. "Futsi utsite, 'Letibonakaliso leti tiyobalandzela labakholwako.' 'Umkhuleko wekukholwa utomsindzisa logulako.' 'Uma utsi kulentsaba, "suka" futsi ungangabati enhlitiywani yakho, kutokwenteka.' Futsi singemakholwa." Futsi, noko, lomunye uyasukuma wase utsi, "Noko, Yena, lowo Nkulunkulu, wetsembisila tonkhe tintfo tiyenteka kulabakholwako." Kubeka licala lokunje pho lokumelene naNkulunkulu neLivi laKhe!

⁶³ "Noko, futsi, Utisho kutsi uyaphila emvakwekuba Sekabetselwe. Futsi usho kutsi umBhalo waKhe kumaHebheru 13:8, kutsi Usenguye impela nje Nkulunkulu kakhulu namuhla njengoba Bekanjalo itolo, futsi uyoba njalo kute kubephakadze." Cabangani nje ngaNkulunkulu lofanako! Futsi baMbeka licala ngaloko, ngoba, "Akunjalo," ngeke bakwenta kwente ngalokungiko. Kulungile.

⁶⁴ "Futsi, kutsi Uyasho," lesi sikhalo manje, "Usho kutsi kokubili lizulu nemhlabu kutowehluleka, kodvwa Livi laKhe lingke lehluleke." Loko kufanele kube makholwa akhulumu. Manje, kumangalelwu lokunje pho! Kukhonona lokunje lesinako kumelene naNkulunkulu, kutsi, "Wente letitativende leti, futsi akasimkhulu ngalokwenele kutsi eme emvakwaKo." Ucabangani ngaloko na?

⁶⁵ NaSathane umshushisi ahleti lapho, amelele live, kutsi asho leti, kwephulwa kwestembiso kuNkulunkulu, ngoba, "Labantu laba ufikile, bekakulemihlangano, futsi—futsi wemukela letintfo Nkulunkulu latishito, kwakulungile, kepha noko bekungekho lutfo lolwenteka kubo."

⁶⁶ Manje, manje akesidedele bofakazi bemshushisi behle kwemzuzwana nje, niyati. Banalolunye luLangotsi.

⁶⁷ Manje sitobita fakazi lovikelako. Fakazi lovikelako wemmangalelwu, lowo nguNkulunkulu. Fakazi lovikelako waNkulunkulu nguMoya loNgcwele. Mletseni ebhokisini. Ake sive bufakazi baKhe.

⁶⁸ Hhe! Kucala, Utsi akunakwe kuhunyushwa lokungesiko kweLivi ngumshushisi kubantfu. "Kunjalo, ngoba unguhumushi lofanako Eva lebekanaye. Ungumhumushi lofanako Eva lebekanaye. 'O, impela, *Leli* noma... *Leli* lilungile, kodvwa *Lelo* alinjalo.' Niyabona, umhumushi lofanako, umshushisi unguye, ngoba ungudeveli. Yena lowo lo..."

⁶⁹ Nkulunkulu wacinisa bantfwana baKhe emvakweLivi laKhe. Futsi ngaso impela sikhatsi sekucala usuka emvakwaLo, uyinkoyoyo kudeveli. Kodvwa angeke akutfole kuperhela nje uma uvikelwe Livi.

⁷⁰ "Manje setsembiso si..." Washo futsi, "Ngifuna ninake." Utsi... Manje Iona ngufakazi lovikelako, Moya loNgcwele. Watsi, "Lesetsembiso semakholwa kuperhela, hhayi bazenzisi

nebancikati nalabangakholwa. Lesetsembiso semakholwa kuphela, hhayi kulabanye.” Manje, lona ngu—lona ngufakazi lovikelako. Nafakazi lovikelako ufanele ati, ngoba Nguye lolophilisako kubo. Uyati kutsi licinisile yini noma cha.

⁷¹ Ufuna kunakwe futsi lapha, angumphilisi weLivi, Utsi akunakwe futsi, kutsi, “Livi liyimbewu. Futsi uma imbewu iwela kulolungile, umhlabatsi lovundzile, iyoveta kona kanye nje loko latsi Nkulunkulu iyokuveta. Kodywa ayiweli etinhlobeni letifanele temhlabatsi, ngako awukho umhlabatsi lowenele, kukholwa lokwenele, kwenta imbewu ikhule.” Ngiyacabanga, njengaLowo Lophilisa imbewu, Bekafanele ati. Anicabangi kanjalo na? Bangakhi labakukholwako loko? Tsanini, “Amen.” [Libandla litsi, “Amen.”—Umhl.] Ufanele abe nguYe Lowatiko. Ungufakazi lovikelako wangempela. Kulungile.

⁷² Lovikelako, uyafakaza manje, utobita fakazi waKhe wekucala. Manje, niyabona, umshushisi ubite fakazi wakhe, uMnumz. Longakholwa, uMnumz. Mncikati, neMnumz. Longabeketeli. Manje fakazi lovikelako unelilungelo kubita lomunye wabofakazi baKhe. Moya loyiNgcwele unelilungelo lekulibita, ngoba Ungufakazi lovikelako weLivi laNkulunkulu.

⁷³ Manje, lamadvodza lawa atisho kutsi ayakholwa, kodvwa Moya loyiNgcwele akati lutfo ngaye, futsi Nguye kuphela longaLiphilisa. Kunjengemtimba wakho nje lapha, niyabona, umtimba wakho ufile ngaphandle kwemoya, linjalo ke neLivi laNkulunkulu lifile ngaphandle kwaMoya loNgcwele kuLiphilisa. Umoya uphilisa umtimba, naMoya loNgcwele uphilisa Livi. Niyakutfolna na? Manje, Bekafanele ati.

⁷⁴ Manje Utobita fakazi wekucala. Akesibone kutsi Utobita bani. Nowa, Utobita Nowa.

⁷⁵ Nowa watsi, “Tinsuku lengangiphila kuto kwakungumnyaka wesayensi,” ukhaliphe khashane kakhulu kunaloku labangiko kulolusuku. “NeNkhosi Nkulunkulu yangitjela kutsi kwakutofika imvula yehla ivela ezulwini.”

⁷⁶ Lalingakaze line, niyakhumbula, etikwemhlabu. Futsi bebangatsatsa tinsimbi futsi bafakaze kutsi kwakungekho mvula etulu lapho. Khumbulani, alizange line ngaletotinsuku. Nkulunkulu bekawumantisa umhlabu ngekuwunisela.

⁷⁷ Kodvwa watsi, “Litokuna futsi litobhubhisa umhlabu. Kutofika zamcolo lomkhulu, kuwo wonkhe umhlabu jikelele, lotowumbonya futsi uwubhubhise.” Watsi, “Noko, nginemiyalo levela kuNkulunkulu, kutsi ngakhe umkhumbi. Ngahamba ngayosebenta kulomkhumbi, ngikhombisa kukholwa kwami, kutsi ngangikholtwa kutsi loko lakushoko Nkulunkulu kwakuliCiniso, kungakhatsaleki kutsi isayensi yayitotsimi ngako.” Ngicabanga kutsi wenta fakazi lomuhle, anicabangi nine? “Futsi akunandzaba kutsi lomunye umuntfu utsini ngako, Nkulunkulu watsi lalitokuna; ngako uma ingakaze

ibekhona imvula etulu lapho, Angayibeka imvula etulu lapho. Ngitokwakha umkhumbi, noma kanjani, ngente kulungiselela yona.

⁷⁸ “Naloku nje, benginalowo mfo, kufakazi ngime lapha esikhashaneni lesendlulile, uMnumz. Longakholwa, bekangihhalatisa sonkhe lesikhatsi. Wahlekisa ngami. Futsi ngibone uMnumz. Mncikati; ufika nglapha futsi wangihleka. UMnumz. Longabeketeli, bonkhe babo, bangihleka, ngekukholwa ummangaliso lonjalo. Kodvwa, ngalindza. Ngesikhatsi sengiwucedzile lomkhumbi, imvula ayizange ifike. Futsi ngalindzela iminyaka lelikhulu nemashumi lamabili, ngaphambi kwekutsi ifike, kodvwa iyefika.” Amen.

⁷⁹ “Hlala phansi, fakazi. Lobo bufakazi lobuhle. Asibite lomunye, fakazi wesibili. Abrahama, mletseni.” Besisandza kukhuluma ngaye nje.

⁸⁰ “Futsi,” watsi, “ngeva Livi laNkulunkulu, ngesikhatsi ngineminyaka lengemashumi lasikhombisa nesihlanu budzala, ngitjele intfo leyayimelene mbamba nayo yonkhe imizindlo. Yayitoba ngummangaliso lomkhulu lophindwe kakhulu. Kutsi, ngangitoba nemfati, loneminyaka lengemashumi lasitfupha nesihlanu budzala, kutsi atale indvodzana kimi ngesikhatsi aneminyaka lengemashumi lasitfupha nesihlanu budzala. Sehla sasesilungiselela yonkhe intfo, ngoba Nkulunkulu washo njalo. Sakukholwa. Futsi i...Ngatjela bonkhe bangani bami kutsi letintfo leti tatifokwenteka, kamuva. Luko kwakufanele kwenteka ngoba Nkulunkulu washo njalo. Ngalindza ngekubeketela. Inyanga yekucala yefika, ngabuta umkami kutsi bekativa anjani. ‘Akukho kwehluka.’ Kulungile, ngamkhola Nkulunkulu, nomakunjalo.

⁸¹ “Kwakukhona uMnumz. Longakholwa, uMnumz. Mhhalatisi, uMnumz. Mncikati, futsi bonkhe beme ngalapho. Bangihhalatisa futsi bangihleka, bangibita ngekutsi, ‘Babe wetive,’ ngesikhatsi ngingenabantfwanu.

⁸² “Futsi ngachubeka ngikhola nyanga tonkhe, nyanga tonkhe kutsi kwakuyokwenteka. Waya ngekuguga umkami nangekuguga ngaso sonkhe sikhatsi, kodvwa ku... eminyakeni lengemshumi lamabili nesihlanu kamuva, Nkulunkulu waligcina Livi laKhe licinisile. Kwenteka.”

⁸³ “Abrahama, loyo ngufakazi lomuhle. Livi alizange lisho kutsi *nini*; Watsi Uyokwenta. Watsi, ‘Ngiyokupha umntfwana, indvodzana, ngaSara.’ Hhayi enyangeni letako; Akazange atsi enyangeni letako. Watsi Uyokwenta; hhai kutsi *nini*. Bona, umkhuleko, ‘Bayobeka tandla etikwalabagulako, bayosindza.’ Ngulovo umcondvo. ‘Umkhuleko wekukholwa uyomsindzisa lokholwako, futsi Nkulunkulu uyomvusa.’ ‘Lindzani edolobheni laseJerusalema nite nembatsiswe ngeMandla, lavela ngeTulu.’ Hhayi lusuku lunye, ema-awa lamabili, tinsuku letilishumi,

iminyaka lelishumi. ‘Aze eMandla efike!’” Fakazi lovikelako sibili, labafo laba bangibo! “Akazange asho kutsi siyobanaye nini umntfwana,” Abrahama watsi, “kodvwa Watsi siyobanaye. Futsi ngaso sonkhe sikhatsi imicabo yayikhula iphikisana nami, ngahlala ngangatataleti. Ngoba, angingabatanga ekungakolwini kwebantfu. Ngabambelela ngachubeka ngco.”

⁸⁴ “Kuhle, Abrahama, hlala phansi. Manje asibe nalomunye fakazi, fakazi wesitsatfu. Asiletse Mosi, sibone kutsi utsini.”

⁸⁵ “Manje,” watsi, “Ngangingusosayensi. Ngangikadze ngineminyaka lengemashumi lamane ehlane, emvakwekwehluleka emsebentini. Kodvwa ngalelinye lilanga ngahlangana naNkulunkulu. Futsi leloPhimbo, iNsika yeMlilo emuva ehlane, yangitjela, liPhimbo lemBhalo, kutsi li-awa lase lisedvute, kutsi BekakuVile kukhala kwebantfu baKhe, wasikhumbula setsembiso saKhe, futsi Bekehla kuyobakhulula, futsi Bekatfumela mine ngalomsebenti.

⁸⁶ “NgaMcela sibonakaliso. Uyanginika sibonakaliso, futsi Unginika lesinye sibonakaliso; totimbili tibonakaliso tatinoba neliphimbo. Watsi, ‘Khona-ke uma bangeke batikholtwe tonkhe letotibonakaliso, uvele nje utsele emanti (lavela elwandlekati) etikwemhlabatsi, futsi ayojika abe yingati.’ Nguloko ke, nguloko kuphela kwako. Faro bekasaphelile ngalesosikhatsi, watsi, ‘uma, wena, bangeke batikholtwe letotibonakaliso, lawo maphimbo.’

⁸⁷ “Kepha, noko, ngehla ngiselayininini lemsebenti, njengoba nje Nkulunkulu bekangitjele kutsi ngente. Jehova, NGINGUYE, wangitjela kutsi ngehle futsi ngente lesibonakaliso lesi. Ngase ngitsatsa lesibonakaliso lesi ngehlela embikwemfundisi Faro, ngase ngiyiphonsa phansi indvuku yami. Futsi niyati kutsini? Watama kukwenta kubukeke kunelitfunti, kubesengatsi kwakulichinga lelitsite lemlingo. Futsi watfola labanye balingisi benyama kutsi baphume futsi bakuhhalatise, bente intfo lefanako. Kodvwa bengati kutsi kwakuLivi laNkulunkulu, futsi ngangitele kutotsatsa lababantfwanu ngibakhiphe lapho. Akunandzaba kutsi kwentekeni, ngisalikhholwa Livi laNkulunkulu, ngako ngabambelela ngingatataleti ngaLo.” Amen!

⁸⁸ Mosi, ungfakazi mbamba! Akwenti kwehluka, kutama kukukopa, nekutama lokutsite, ukwente kubukeke njengako; wabambelela akatatatela. Kweta labalumbako. “Uyabona,” Faro watsi, “uyabona, ngulelinye lichinga lelishiphile. NguBhelzebule, kufundza umcabango lotsite ngengcondvo noma lokutsite. Nginemuntfu lapha, labalumbako, labangenta intfo lefanako; babhuli, kutsi bakuhhalatise, noma ngabe kuyini.” Loko akummisanga Mosi. KwakuLivi leNkhosi, ngoba kwakusibonakaliso sangekwemBhalo sikulandzela.

⁸⁹ “O, yebo,” watsi, “uMnumz. Longakhholwa, uMnumz. Mncikati, nabobonkhe, baviyela ngasemahlombe ami. Kodvwa

ngahlala ngco naleloLivi, ngati kutsi kwakunguNkulunkulu lowasho leLivi. NguNkulunkulu lotolinakekela; hhayi bona. Wangitjela mine kutsi ngangitotsatsa labobantfwana ngibayise eveni leletsenjisiwe. Wangitjela kutsi ngangitobakhiphapha lapho, futsi ngangitobuya kulentsaba lapho kwenteka khona. Angati kanjani. Faro usongela—wasongela imphilo yami, nayoyonkhe intfo yenteka, kodvwa ngahlala ngetsembeka esetsembisweni. Ekugcineni, Nkulunkulu wasehlula ngemandla sitsa, futsi ngabaletsa ngabadzabulisa eLwandle loluBovu, njengasemhlabatsini lowomile. Nkulunkulu wasigcina setsembiso saKhe, futsi ngita ngco entsabeni lapho Angitjela kutsi ngiyokuta khona, intsaba lefanako.” Niyabona, bekakholiwe kutsi kwakunguNkulunkulu, futsi wabambelela wangatatateli.

⁹⁰ Asiletse fakazi wesine, ngenca yekutsi sijakile. Asiletse fakazi wesine, Joshuwa, lowangena esikhundleni saMosi.

⁹¹ Joshuwa watsi, “Ngehlela lapho netinhloli. Ngatfunyelwa ngephandle. Satfunywa silishumi nakubili; munye kulo lonkhe lihlelo.” Futsi watsi, “Sehlela lapho sasesiyabuka. Futsi naba babuya, besaba, base batsi, ‘Yebo-ke, sibukeka njengetintsetse, ngaseluhlangotsini lwalabo bafo. O, hhe, bakhulu kunatsi! Bayindvodza lenemandla, konkhe labangiko! Sibukeka sifana netintsetse.”” Futsi watsi, “EKhadeshi-barneya ngathulisa bantfu, ngatsi, ‘Ake nime kancane. Nibuке sichwaga nalabo lesiphikisana nabo. Mine ngibuka setsembiso saNkulunkulu. Nkulunkulu watsi, “Ngitoninika lelive.”” Amen. Ngathulisa bantfu, ngoba Livi lakwetsembisa.

⁹² “Khona-ke, lusuku nelusuku, bafika ngalapha base batsi, ‘Liphi lelive? Luphi lolubisi neluju, Joshuwa? Wakwetsembisa, nako. Kukuphi ke?’ ‘Nkulunkulu utokunakekela.’ Futsi Wavumela bonkhe labo labangakholwa bafe. Wangicina ngiphila, wavusa lesinye situkulwane. Iminyaka lengemashumi lamane kamuva, satsatsa live. Nkulunkulu washo njalo!”

⁹³ Futsi, khumbulani, bebakhshane ngeluhambo nje lwetinsuku letimbili. Wababamba emuva iminyaka lengemashumi lamane ngenca yekungakholwa kwabo. Kuphiliswa kwakho kungahle kube akukakhweshi ngemizuzu lesihlanu. Kungakolwa kwakho kuyakukhweshisa kuwe kuphela uma usaphila. Ufanele ukukholwe! Ungufakazi sibili, Joshuwa. Yebo, mnumzane. Batsatsa live, iminyaka lengemashumi lamane kamuva.

⁹⁴ Sinabofakazi labanengi kakhulu lesingababita, kodywa, uma nitongicolela, ngitotsandza kuba ngufakazi waKhe lolandzelako. Ngitsandza kutenyusa ngibe ngufakazi waKhe, uma kungevakali kungulokucondzene nami kakhulu. Ngingufakazi waKhe. Ngifuna kuba nguwaKhe lolandzelako, fakazi waKhe wesihlanu.

⁹⁵ Nkulunkulu angamtsatsa kanjani mangulube bese wenta luhlavu lwakolo ngaye na? Soni, lesivela emndenini lonesono; bonkhe banetibhamu, futsi bafa bafake emabhudze abo; batsengisi betjwala lobungekho emtsetfweni nanoma yini lokunye lonako. Ngani, ngangingakaphatselani ngalutfo nako.

⁹⁶ Make wami loseNkhatimulweni namuhla, watsi, li-awa ngesikhatsi ngitalwa, leyoNgelosi yeNkhosi ingena ngelifasistelo yase iyema etikwembhejana lapho ngangikhona. Banesitfombe saYo emahholeni esayensi ebuNgeweti beNkholo namuhla. Satiwa umhlaba jikelele. Nkulunkulu wetsembisa kwenta letintfo leti. Njengemfana lomncane, liPhimbo lakhuluma kimi, latsi, “Ungalokotsi ubheme, upilombe, noma unatse, ungcilise umtimba wakho noma ngayiphi indlela. Kuyoba nemsebenti wakho wekutsi uwente uma sewukhulile.” Kwangesabisa, kusobala.

⁹⁷ Yini lengangiyati ngenkholo na? Bantfu bakitsi, ekucaleni, bebaiiKhatolika. Ngangati kanjani noma yini ngaletintfo leti? Angingazange ngibe sebandleni emphilwени yami. Bobabili bashada bangephandle kwelisontfo, ngako bavele nje... Make nababe, bobabili, kwakungumIrishi, futsi ngako nje bavele bashada ngephandle kwelisontfo, futsi sasite inkholo.

⁹⁸ Sasihlala nje njengesicuku setinja, sasibe nekuhlubulwa lokudzadlana, njengebakkhemi, siya le nale, noma ngukuphi lapho besingatfola khona umkhukhu lomncane lebesingawukhokhela irenti yemadola lamatsatfu noma lamane ngenyanga. Nguleyondlela lesasiphila ngayo.

⁹⁹ Umfana lomdzadlana longakagwabeli, etfwele emanti awayisa esigayweni senkantini, ngalelinye lilanga; ngesikhatsi Nkulunkulu, ekubuseni kwaKhe, usaligcina Livi laKhe, wehla ngesivunguvungu semoya wase uyema lapho, wase utsi, “Ungatenti letintfo leti.” Wakusho. Nasengiyinsizwa, imibono icala kubhobokela etikwemehlo ami, kusukela kumfana lomncanyana. Kwangesabisa. Ngasindziswa, futsi ngajoyina libandla leBaptisti. Ngabuta...

¹⁰⁰ Ngatjela bazalwane bami beBaptisti mayelana nekuya... Ngangingati kutsi ngingakubita ngekutsini, umbono. Ngakubita ngesitfongwana. Ngase niyahamba futsi ngasho kubazalwane bami ngaloko. Batsi, “Billy, ungatihlanganisi ngalutfo naloko. Lowo ngudeveli. Lowo ngudeveli. Ungatihlanganisi ngalutfo naloko.”

¹⁰¹ Ngalobunye busuku, ekhempini lencane lapho ngangidweba khona, emuva le etintsabeni, ngangilele emuva lapho. Cishe ngensimbi yesitsatfu nco ngalokunye kusa, ngibone kuKhanya kuta. Bengifundza nje liBhayibheli. Ngacabanga kutsi kwakungumuntfu lotsite eta, akukhanyisa ngembobo yelichuzu esigodvweni, siketekete noma lokutsite. Kwakukukhashane le ehlane. Futsi ngacabanga kutsi umuntfu lotsite beketa.

KuKhanya kwakuphansi; Kwasabalala kwaya ngekuba kukhulu ngekuba kukhulu. Ngeva uMuntfu lotsite ahamba. Ngesikhatsi Kwenta, KwakunguMuntfu. Bekangagwabeli. Bekenetinwele letifika emahlombe aKhe, futsi Bekafake ingubo lendze. Futsi kwangetfusa imphosakufa.

¹⁰² Watsi, “Ungesabi. Ngitfunywe ngivela eBukhoneni beNkhosi Nkulunkulu, kutsi ngikutjеле loko, imphilo yakho leyehlukile. Ungatami kusuka kuletintfo leti. Lolo lubito lwakho. Futsi Nkulunkulu utokutfumela etindzaweni letehlukene emhlabeni wonkhe jikelele, kukhulekela labagulako. Futsi uma utowenta bantfu kutsi bakholwe futsi babecotfo, akukho lutfo lolutoma embikwemkhuleko.”

¹⁰³ Kwangetfusa kwatsi angife. Impela, kwenta. Ngema lapho, futsi—futsi Bekasolo achubeka akhuluma. Ngatsi, “Mnumzane, ngilapha ngenga yaletotitfongwana netintfo letinjengaloko.”

¹⁰⁴ Watsi, “Kutoba netintfo letintsatfu letentekako. Kucala, uyokwati ngekutsatsa sandla sakho kutsi ubambe bantfu. Khona-ke kuyofezeka, emvakwaloko, uma ucotfo, kutsi uyokwati imfihlo impela enhlitiywani yabo.”

¹⁰⁵ Futsi ngatsi, “Nguloko lengikukhonela lapha kukhuluma ngako, bengi... Bazalwane bami bangitjela kutsi loko kwakukwadeveli. NgingumKhristu. Angifuni kubanalutto lwadeveli.”

¹⁰⁶ Watsi, “Njengoba kwakunjalo emuva lapho, kunjalo namanje. Ngesikhatsi baphikisana ngekutsi hlobo luni lwemakinobho lebebafanele bawagcoke emabhantjini abo, netintfo letinjalo, nebafundisi batsi Pawula nabo bajikisa umhlabo bawubhekisa phansi, kwakuyini na? Kodvwa kwakungu—ngumoya lomubi lolowatsi, ‘Lawa indvodza atinceku taNkulunkulu, letijikisa umhlabo tiwubhekise phansi.’ Kutsi Pawula nabo basho. Namoya lomubi wafakaza kutsi bebatinceku taNkulunkulu teliciniso.”

¹⁰⁷ Wangitjela, watsi, “Awukhumbuli yini, emiBhalweni, leyo yintfo iNkhosi yetfu leyayenta na? Futsi nguloko Lakwetsembisa, Watsi kwakutokwenteka futsi etinsukwini tekugcina.”

Ngacabanga, “Yebo-ke, kungaba yini loko na?”

¹⁰⁸ Watsi, “Yebo-ke, nguMoya weNkhosi Jesu. ULivi. Futsi Wetsembise loku etinsukwini tekugcina. Manje ningesabi.”

¹⁰⁹ Ngehla ke kuyobhabhatisa sicuku sebantfu emfuleni. Ngesikhatsi ngibhabhatisa lapho, lapho cishe bantfu labatinkhulgwane letisihlanu beme elusentseni, ekhatsi nemini ngco, ngensimbi yesibili nco ntsambama, kushisa, kwase kuliviki noma lamabili bete imvula, futsi beme elusentseni, naku kuta leyoNsika yeMilo ivunguta iphuma emoyeni, yehlela lapho bengime khona, neliPhimbo litsi, “Njengoba

Johane umBhabhatisi watfunywa, nekwendvulela kufika kwekucala kwaKhristu, uMlayeto wakho utokwendvulela kuBuya kwesiBili kwaKhristu.”

¹¹⁰ Emaphephandzaba bekakucuketse, futsi kwatsanyela kwayongena eCanada ku Associated Press, umhlaba jikelele, “Umfundisi wendzawo, umshumayeli loyiBaptisti, abhabhatisa, futsi,” kwatsi, “kuKhanya lokungewele kubonakala etikwakhe.” Yena Lowo kanye labatsatsa sitfombe lapha, futsi bakwente eJalimane na—nasetindzaweni tonkhe. Futsi kwentiwe.

¹¹¹ Umfundisi wami watsi kimi, watsi, “Billy, nhloboni yeliphupho lobenalo na? Ngani, uyati awukaboni . . .”

Ngatsi, “Kwakunemakhulu eme lapho, aKubona.”

¹¹² Futsi bebehla, batsi, “O, leyoyinkohliso yengcondvo.” Atama ngemandla akhe onkhe, leyo yindvodza lendzala Longakholwa neMnumz. Mncikati.

¹¹³ Ngabambelela ngco eVini. Ngahlala lapho, ngoba ngangati kutsi kwakusetsembiso saNkulunkulu. Amen. Lukha sahluko 17, Wetsembisa, “Njengoba kwakunjalo emihleni yaseSodoma.” Njengoba ngibone live linconga, njengoba kwakunjalo, ngati kutsi intfo letsite itofanele ifezeke. Ngibonile kuMalaki 4, lapho bebato “buyisela emuva kuKholwa eVini,” lebebahlahkateke kuko. Bengati kutsi loko kwakufanele kufezeke, futsi ngahlala ngekwetsembeka eVini. Ngitfolo Jesu Khristu, namuhla, “longuye itolo, namuhla, naphakadze.”

Libandla, liyana. Ngitokuma khona lapha.

¹¹⁴ Ngifuna kusho loku. Ngiletse bonkhe labofakazi laba; bufakazi bami lucobo. Labanengi benu babofakazi, kuleliviki. Leyontfo icinisile, loMlayeto. Ngingakwenta kanjani mine . . .

¹¹⁵ Dokotela Davis watsi kimi, “Umfana, imfundvo yekubhala nekukhulunywa kwelulwimi kwasesikoleni, ayokhulekela emakhosi nemakhosi lanemandla, futsi okhele imvuselelo leyohamba umhlaba jikelele na? Billy, ase usanguluke mani.”

¹¹⁶ Kodvwa, Kwakwenta! Kwakwenta! Eminyakeni lengemashumi lamatsatfu nakutsatfu kamuva, imvuselelo seyendlulile, futsi Kwakwenta. Nkulunkulu washo njalo! Ngingufakazi waKhe. Akashongo kutsi Bekatokwenta *nini*. Watsi Uyokwenta nje! Ngalindzela sikhatsi lapho Livit laliyophatseka khona mbamba, lifake esandleni sami, njengoba kwakunjalo, iNkemba, futsi libone lokufihlakele ngaloko lapho yona kanye nje imicabango enhlitiyweni yemuntfu. Ngacabanga, “Kungaba kanjani loko na?” Ngalindza, ngikukholwa, futsi kwenteka. UMhhalatisi, Longakholwa, uMncikati, Longabeketeli, usasolo alindzile futsi abukela. Kodvwa Nkulunkulu, emvakweminyaka lengemashumi lamatsatfu nakutsatfu, ukucinisile, umhlaba wonkhe, umhlaba wonkhe

jikelele. Lapho emaphepha, emaphephabhuku netindzatjana kubhalwe khona, emhlabeni wonkhe.

¹¹⁷ Wena bani lijaji. Umcondvo wakho ubasiti belijaji. Wonkhe umsiti welijaji utofanele ente sincumo. Sengiyayivala lenkantolo. Wena bani lijaji. Umcondvo wakho ubasiti belijaji. Netento takho kusukela emvakwaloku, kulentsambama, uma sibeka tandla etikwalabagulako, loko kutochaza kutsi besitsini sijubo sakho. Indlela lowenta ngayo emvakwekuba sewukhulekelwe, loko kutosho kutsi wentiwe ngani umcondvo wakho wekuhlakanipha, kutsi basiti belijaji bemcondvo wakho bese wentiwe ngani. Loko nje kutosho impela, sento sakho emvakwaloku.

¹¹⁸ Ngiyamemetela kutsi Jesu Khristu unguye itolo, namuhla, naphakadze. Ngiyamemetela kutsi akukho lutfo lolungema eBukhoneni baKhe, besilisa nebesifazane labatokukholwa. Niyakukholwa na?

Asikhotsamise tinhloko tetfu.

¹¹⁹ Nkhosi, Jesu, livi nje lelivela kuWe manje, yenta bantfu bakholwe. Bahleti lapha. Beningeke ngikwente loku, Babe. Kodvwa, babeketele kakhulu, ngiyacela manje. Ungete wakwenta yini, ebufakazini bami lucobo na?

¹²⁰ Singafundza eBhayibhelini, bofakazi balabobalingiswa, fakazi walabangakholwa. Siyabona lapho baLilahle khona njalo. Labo umFarisi, bantfu betenkholo ngaletotinsuku, balahla Jesu Khristu. Kodvwa kwafakaza, BekaiNDvodana yaNkulunkulu. Batsi, “UTenta Nkulunkulu.” BekanguNkulunkulu. Wenta njengaNkulunkulu; Washumayela njengaNkulunkulu; Waphilisa njengaNkulunkulu; Wavuka kulabofile njengaNkulunkulu; Wenyukela Etulu njengaNkulunkulu. UnguNkulunkulu. Uyabuya, Nkulunkulu. Siyakukholwa. Emkhatsini wato tonkhe tinkhatsato, Usasolo unguNkulunkulu. Fakazi waKho ume cekelele, Nkhosi.

¹²¹ Nginiketa fakazi ngekutsi, noma ngikhulume ngafakazi walelenye indvodza. Tinkhulungwane letiphindvwve katinkhulungwane lebengingatibita, nhlangotsi totimbili; umncikati, longakholwa, nalendvodza lengeke nje ilindze sikhatsi lesidze ngalokwenele. Awuzange usho kutsi *nini*. Watsi, “Uma babeka tandla tabo etikwalabagulako, uma bakholwa, bayosindza, akunandzaba kutsi sikhatsi sini. Awuzange umtjele Abrahama kutsi loluswane lutotalwa *nini*. Awuzange umtjele Mosi kutsi nguluphi lusuku lebekatophindze aletse bantfu kuleyontsaba. Awuzange umtjele Nowa kutsi nguluphi lusuku leyayitonan galgo. Awuzange ubatjele noma ngusiphi sikhatsi lesitsite; kanjalo natsi Awusitjelanga.

¹²² Wena watsi, “Uma ungakholwa nje! Uma utsi kulentsaba, ungangabati enhlitiyweni yakho, kutokwenteka, loko lokushito. Uma ukukholwa!” Watsi, “Letibonakaliso leti tiyobalandzela

labakhholwako. Uma babeka tandla tabo etikwalabagulako, bayosindza.” Nkhosi, ngikubeke emuva ngco ematsangeni ebantfu. Kukubo ke.

¹²³ Ngifikazile kubo, ngeliBhayibheli, futsi sonkhe siyakwati, kutsi kuBuyisana kuyentiva. “Yona yalinyatwa ngenza yetiphambeko tetfu. Ngemivimba yaYo siphilisiwe tsine.” Sikhatsi lesendlilile, kuvala umlomo wemncikati, nalongakolwa lowatsi Akazange avuke, futsi ngitama kukwenta luhlobo lolutsite lwaNkulunkulu wemlandvo enkholweni.

¹²⁴ Nkhosi, ngiyakhuleka kutsi Utobonakala, Yena futsi kulentsambama emkhatsini wetfu, futsi afakaze kuletetsameli leti kutsi Wena ulapha; Loyo lowasho Livi, Nkulunkulu lesibe naye ekutekwensi kwelicala. Kimi, Unesizatfu lesiphatsekako, Nkhosi Nkulunkulu. Utifakazele Wena, Nkulunkulu. Tente Wena lucobo ube ngulophatsekako kakhulu, kutsi wonkhe wesilisa newesifazane, labantfu laba tatane bahleti lapha kulelihhoko lelivutako lapha, batama kuva Livi, Lente libe nguleliphatsekako kakhulu kubo, Babe. Tibonakalise Wena lucobo unguNkulunkulu emkhatsini wetfu!

¹²⁵ Kutsi bantfu bebakanjani kuyoyonkhe leminyaka, Kufika kube luhlobo lolutsite lolungakajwayeleki, kubantfu. Ngesikhatsi basewandle ngalobobusuku, futsi—futsi Wena uta kubo, bacabanga kutsi kwakusipoko. Beba...Bebangati kutsi kwakuyini, futsi bamemeta. Kodvwa leloPhimbo liyabuya, “Ngimi Lona.”

¹²⁶ LiPhimbo lemBhalo liyakhulum, kulentsambama, kutsi ngilo leli-awa, ngiso lesi sikhatsi, ISodoma neGomora nato tonkhe leti letinye tintfo tibekwe nje ngendlela lebetifanele tibekwe ngayo. Futsi naku lapha Ukhona, ukhombisa eNTalwemi yebukhosyi ya-Abrahama kutsi Uyaphila, neNdvodzana yemunfu yembulwa kulolusuku IwaseSodoma. Babe loseZulwini, siphe kutsi bantfu batobona; futsi, ngesikhatsi beta bendlula, kutsi batotsatsa Livi laNkulunkulu njengaba nje kwenta Abrahama. Akunandzaba kutsi ngesikhatsi luswane...

¹²⁷ Besingabitela Isaya enkhundleni, na-Isaya bekangafakaza. Bekatowutsi, “INkhosi yatsi kimi, ‘Intfombi ntfo iyokhulelw.’” Uma bekangavuka futsi akhulume kitsi kulentsambama, akungabateki kutsi bekatotsi, “Yonkhe intfombatane leseyinsha lengumHebheru, tonkhe tinsuku tami, yayibheke kukhulelw ngaMoya loNgcwele; yonkhe. Kodvwa Wena wakusho, wawukubhale phansi. Wangikhomba njengemprofethi waKho. Nemavi ami lengawasho lasekelwa nguWe. Imibono yami yayicinisile. Nebantfu bakukholwa, situkulwane noma letimbili, kwase-ke kuyafiphala. Noko, emvakweminyaka lengemakhulu lasiphohlongo, intfombi ntfo yakhulelw neluswane Iwatalwa. LiGama laYo lalingu ‘Umeluleki, iNkhosana yekuThula,

Nkulunkulu loneMandla, uYise loNgunaphakadze,’ iminyaka lengemakhulu lasiphohlongo kamuva.”

¹²⁸ O Nkhosi Nkulunkulu, yini indzaba ngalabantfu laba, wetfu kulomhlabu namuhla, kutsi sitibite ngeNtalo yebukhosya-Abrahama na? Kantsi, walindza iminyaka lengemashumi lamabili nesihlanu, etsemba futsi-futsi anekukholwa ngekumelana nalokungenakwenteka, kubona ummangaliso wentiwa, futsi Wakwenta. Singalitsatsa kakhulu kangakananike Livi laKho, lapho Wena unguNkulunkulu lobonakalako lofanako lowabonakala ku-Abrahama, lobonakalako lapha kistsi enyameni yemunfu, ngendlela lefanako Lowenta ngayo ku-Abrahama! Nkulunkulu, siphe kutsi batokwenta, wonkhe umunfu, utokubona kulentsambama, futsi baphumelele. Njalo uma bantfu endlula, futsi batfole tandla tibekwa etikwabo, kwangatsi bangasuka kulendlu, batfokota, futsi bangakubuyiseli emuva, kodywa bakholve njenga-Abrahama nabo bonkhe labanye bokhokho. Wena watsi kuyokwenteka, futsi kutokwenteka uma bangapheli emandla. Siphe kona, eGameni laJesu. Amen.

¹²⁹ Ngiyakholwa. Ngiyakholwa. Niyakholwa! Ngiyakholwa kutsi Jesu Khristu uyiNdvodana yaNkulunkulu. Ngikhola kutsi Urukile kulabafile. Ngiyakholwa Unemandla kakhulu kwenta noma ngusiphi setsembiso Letsembisa kusenta. Angaligcina lonkhe livi Lake walisho, futsi Utosentela lona lapha kulentsambama uma kuphela sitolikholwa.

¹³⁰ Manje, Akazange atsi, “Ngako-ke hambani, futsi—futsi nihlutfuli bantfu etitulweni letinemasondvo, futsi nitsatse tigulane tenhlitiyo futsi nente *loku*.” Akakushongo loko.

¹³¹ Watsi, “Bekani tandla kulabagulako, futsi bayosindza.” Lawo makholwa.

¹³² Manje, Moya loyiNgewe ungfakazi waKhe lovikelako lapha, Uyati kutsi uyaLikhola yini noma cha. Ungeti nje, ucagela. Tsatsa loko kucagela, futsi utsatse lelotsema, futsi utsatse loko lokususela enhloko, futsi ukubeke ngaphansi kwetinyawo takho, bese utsi, “Nginekukholwa, ngiyati kutoba ngiko!” Lokutsite kutokwenteka.

¹³³ Ucabanga kutsi kuyini, kimi, ngime lapha, bangani na? Ucabangani, kimi, ngimile lapha njengoba kunjalo manje, embikwetetsameli ngaletinye tikhatsi kuya etinkhulungwaneni, nemakhulu etinkhulungwane, bekungenta kutisho kutsi Yena uyaphila, neMoya waKhe wangitjela loko, Livi Lebekayonginika lona na? Nkulunkulu bekangenta nomayini ngaphandle kwekukhona kuyisekela na? Niyabona, kwashiwo kutsi Bekatoyenta! Lelo Livi. Futsi ngime lapha embikwetetsameli, lapho bancikati, labangakholwa, nayoyonkhe intfo ihleti, ngemashumi etinkhulungwane; futsi noko Abonwe, Abitelwe enkhundleni.

¹³⁴ Niyakholwa kutsi Ulapha na? Kulungile.

¹³⁵ Lomunye losedvute. Hhayi bangani bami manje; uma u—uma ugula, noma ngubani, bangani bami. Bangakhi, khona lapha embikwami, lowatiko kutsi angikwati, phakamisani tandla tenu *kanjena?* . . . ? . . .

¹³⁶ Manje kukhona labanye ekhatsi lapha longatiko. Niyabona, *ngalapha*, bayangati, khona ekhatsi lapha. Kunjalo, akunjalo, bazalwane, nonkhe nine *ngalapho* na? Niyabona na? Bukani lapha. Niyabona, bayangati.

Kodvwa ngaphandle ekhatsi *lapha*, aningati.

¹³⁷ Bangakhi kulomugca munye lapha longangati, phakamisa sakho . . . Ngabe ukhona noma ngubani kulemigca lemitsatfu lapha, khona ekhatsi *lapha*, longatiko; uyati kutsi ngati lokutsite ngawe, nayoyonkhe intfo na? Phakamisani tandla tenu.

¹³⁸ Ngabe ngiyakwati *wena* emuva lapho? Ngiyakwati *wena*, mnaketfu? Angikholwa kutsi ungicondzile, ngoba angimati. Akangati. Cha. Awungati mine, uyangati, mnumzane? U—u—uyangati mine? Uyati kutsi ngiyati kutsi yini lengalungi ngawe? Ya, ungubani? Mhlawumbe . . . Akangicondzi, ngoba a—angiyati lendvodza. Manje yini loyi . . . Uyati kutsi ngiyati kutsi yini lengalungi ngawe; ngaphandle kwekuba wakamoya, ngikwati nje njengendvodza, futsi ngati kutsi yini lengalungi ngawe? [Lomnaketfu utsi, “Cha.”—Umhl.] Impela cha. Impela. Niyabona, bengeke. Niyabona, liyana, futsi ngeke nicondze.

¹³⁹ Kwangatsi Moya loyiNgewe angasisita manje. Kulungile, kucala kulesigaba *lesi* manje-ke. Uyakholwa, ekhatsi *lapha*.

¹⁴⁰ Leyondvoda yinye, manje, yona ngi—ngingahle ngingayati ngisho nekuyati. Lendvoda lehleti lapho, iphakamise sandla sayo, niyabona, angicabangi . . . Ayingati. Ngiyati ayingati. Kodvwa nje ibeka . . . beyiphakamise sandla sayo, empeleni. Ngingeke ngimtsintse, ke, niyabona. Ngi . . .

¹⁴¹ Akube *ngini* nonkhe. INkhosi ibusise. Lomunye akakhuleke, ekhatsi *lapha*. Niyakholwa na? Nonkhe, niyaMkholwa na? Ngayoyonkhe inhilitiyo yenu, kholwani.

¹⁴² Nangu dzadze lomncane. Ake ngibite umuntfu munye nje, ngicale kukhuluma, ngikhulume nalomunye nje; ngitfole Kwako . . . ngitfole kunyakata kwaMoya loNgewe. Lodzadze lomncane lohleti lapho, uyangikhola kutsi ngiyinceku yaNkulunkulu? Wena, dzadze lomncane lohleti khona lapha. Uyabona? Wena, kulungile, nobibili nilekutise inhloko yenu. Kulungile, sitoba nje nani nobobili ke. Kulungile.

¹⁴³ Lodzadze lapha, ulekutise inhloko yakho *kanjena*; ugcoke ingubo lepinki. Uma Jesu Khristu angangitjela kutsi yini inkhatsato yakho, noma lokutsite ngawe, utongikhola kutsi ngingumpfethi waKhe; wati kutsi nguYe na? Inkhatsato yakho

isecolo lakho. Uma loko kunjalo, phakamisa sandla sakho. Uyabona? Uyabona? Uyabona? Kulungile. Uyabona? Uyabona?

¹⁴⁴ Manje, wena, dzadze lomncane ngephandle ekugeineni, awukakutfoli ngoba simo selitulu besisibi. Unenkhatsato yelibhobho. Noma inhlitiyo...Inkhatsato yelibhobho, isebhobheni lakho.

Lona wesifazane lohleti eceleni kwakho, unenkhatsato yenhlitiyo.

¹⁴⁵ Uma loko kunjalo, nine besifazane labatsatfu phakamisani tandla tenu. Futsi ngisihambi kini, niyabona.

Manje uyakholwa na? Bani nekukholwa. Nguloko kuphela lofanele ukwente.

¹⁴⁶ Dzadze lomncane lohleti khona lapha, angibuke ngco, angikwati. Usihambi kimi. Awu—awungati. Uhleti khona lapho, nalelincane lelimhlophe...ungibuka ngco. Yebo, wena. Uh-huh. Awungati. Kodvwa uyagula, awuguli yini? Bewutsite nje kukhatsateka kancane mayelana nentfo letsite. Sigadla lesisebeleni lakho. Uma loko kunjalo, phakamisa sandla sakho.

Manje, wena utsi, “Usibonile lesigadla.” Kute sigadla lesibonakalako la.

¹⁴⁷ Ngabe kunjalo, kute sigadla lesibonakalako? Futsi angikwati. Uyakholwa kutsi Nkulunkulu angangitjela kutsi ungubani na? Ngabe loko kutokwenta usitakale tsite? Kungatisita tetsameli na? Manje, khumbulani, lowesifazane uphakamise sandla sakhe. Phakamisa sandla sakho, angikwati. Nkulunkulu ngisite. Nkkt. Patterson. Kunjalo. Uyakholwa na?

¹⁴⁸ Empeleni, lowo ngumaketala wakho lohleti eceleni kwakho lapho. Uyakholwa na? Ufuna kukhulekelwa. Utela leyohnloso. Uyakholwa kutsi Nkulunkulu angangitjela kutsi yini indzaba ngaye na? Inkhatsato yakhe isemehlwani akhe nasetindlebeni takhe. Uma loko kunjalo, phakamisa sandla sakho. Kunjalo.

Uyaphila! Usenguye Nkulunkulu.

¹⁴⁹ Nangu dzadze lohleti emuva lapho, lonesitfutfwane. Unesitfutfwane, futsi unenkhatsato yebesifazane. Neligama lakhe nguNkst Woods. Uma loko kunjalo, sukuma ume ngetinyawo takho. Sukuma ume ngetinyawo takho uma loko kunjalo. Angikaze ngimbone lowesifazane emphilweni yami. Develi ukushiyile lapho, dzadze. Akadvunyiswe Nkulunkulu! “Uma ungakholwa.” Kholwa nje wena.

¹⁵⁰ Nangu dzadze lohleti khona emuva *lapha*. Ubutsakatsaka kakhulu. Uyagula. Usandza kuphuma esibhledlela nje. Une-unenkhatsato yesisu. Ligama lakhe nguNkst Kitchens. Sukuma, futsi ukholwe ngayo yonkhe inhlitiyo yakho, Jesu Khristu yuakwelulamisa. Angikaze ngimbone emphilweni yami.

¹⁵¹ Nangu dzadze lonenkhatsato yenyongo. Uyakholwa ngenhlitiyo yakho yonkhe, nawe, kutsi Nkulunkulu utokuphilisa na? Nkkt. Whittaker, uyakholwa ngayoyonkhe inhlitiyo yakho, Nkulunkulu utokuphilisa na? Uma loko kunjalo, manini ngetinyawo tenu, uma sitihambi lomunye kulomunye.

¹⁵² Niyakholwa kutsi Ulapha na? Yini leyo na? Lowo ngufakazi lovikelako waNkulunkulu. Haleluya! O bantfu, kholwani ngayo yonkhe inhlitiyo yenu! Lowo ngufakazi lovikelako waNkulunkulu.

¹⁵³ NiMehlulela kanjani na? Niyakholwa kutsi Ucinisile na? Niyakholwa kutsi Livi laKhe licinisile na? Wetsembisa! Liviki lonkhe, ngishumayele ngako futsi ngakukhombissa eBhayibhelini, kutsi Uyokwenta loku kulolusuku. Niyakholwa kutsi kuliCiniso na? Niyehlulela na? Yini kwehlulela kwenu na? Niyakholwa na?

¹⁵⁴ Akutsi labo labanemakhadi ekukhulekelwa ngakuloluhlangotsi *ngalapha*, basukume emkhatsini nesikhala setitulo, *ngalapha*, lonemakhadi ekukhulekelwa, kulelilayini leli *ngalapha*; sukumani emkhatsini nesikhala setitulo, *ngalapha*. Labo labangaku*lolwahlangotsi*, lonemakhadi ekukhulekelwa, sukumani *kulesosikhala* setitulo, *ngalapha*. Labo ngale ngakulololunye luhlangotsi, basukume *kulesosikhala* setitulo.

¹⁵⁵ Labo losetulu ngetulu lapho, lonemakhadi ekukhulekelwa, yehlelani ngembili.

¹⁵⁶ Labo labaku*lelilayini* lapha, lonemakhadi ekukhulekelwa, manini ngakulolo*lhlangotsi*. Labo labangaku*loluhlangotsi* banemakhadi ekukhulekelwa, manini ngala *kulesikhala lesi* setitulo khona lapha. Labo lonemakhadi ekukhulekelwa, *lapha*, beme ngale *kulesikhala lesi* setitulo.

¹⁵⁷ Manje, manini khona lapho manje. Sitfola lolunye luhlangotsi emzuzwini nje. Yentani lilayini lenu. Wotani nehle ngco. Ngi...

¹⁵⁸ Manje bambani nithule, umzuzu nje, lapho nikhona. Manini nje lapho nikhona, umzuzu nje.

¹⁵⁹ Bukani, bangakhi bafundisi labasekhatsi lapha, lokholwako, indvoda lemesaba mbamba Nkulunkulu lekholwako kutsi Jesu Khristu ungyue itolo, namuhla, naphakadze, kutsi kutfunywa kwaKhe kwekugcina eBandleni laKhe, kwakukutsi, “Letibonakaliso leti tiyobalandzela labakholwako; uma babeka tandla tabo etikwalabagulako, bayosindza”? Bangakhi kini bafundisi lenikukholwako loko na? Uma nikwenta, wotani lapha futsi nime nami khona lapha sisakhuleka. Kuze kutsi uma labantfu laba baphiliswa, batobona kutsi bekungesuye nje uMnaketfu Branham; ngini, nani. Manini khona *ngalapha*, nente lilayini lelikabili khona lapha la lilayini litokwendlula khona. O, hhe! Yini lenye Nkulunkulu lebekangayenta na? Angati lutfo.

Bukani bafundisi beta kutofakazela loku. Yehlani ngco, yentani lilayini lenu entasi ngalendlela lapha.

¹⁶⁰ Huh? [Lomunye utsi kuMnaketfu Branham, “Angikhoni kubagudluta.”—Umhl.] Huh? [“Angikhoni ngisho nekubagudlutela phansi lapha.”] Loko kulungile. Kulungile. Sitobatfola.

¹⁶¹ Manje ngitoba neMnaketfu Borders, menenja, kutsi ete lapha kulombhobho. Futsi ngimfunu kutsi agcine lelilayini lihlelekile, kute batota *ngalapha*, bahambe babuyele emuva bajikele *ngalapho*, futsi ubuyele esitulweni sakho, uyabona, uma uta.

Manje wonkhe longivako, phakamisa sandla sakho.

¹⁶² Bukani, akutsi *laba*, emuva kakhulu, bete kucala; bese beta bajikela *ngalapha*, bese bayahamba bajike. Bese bakhweshela labalandzelako. Bajike ngco emvakwalabafundisi lapha, lapho nisakhulekelwa, babuyele ngco emuva bese bahlala phansi. Bese nivumela Billy, utorikhweba nijike ngco bese uyanitjela kutsi ningene kanjani elayinini. Futsi manje-ke kutotsi kungaphela nje loku, sitodedela kutsi sibamise phansi *ngalapho*, bese beta ngalena lenye indlela.

¹⁶³ Manje wonkhe, uyacondza, phakamisa sandla sakho manje. Kulungile, kuhle. Manje uMnaketfu Borders utoba khona lapha embobheni, kuniketa bufakazi kuloko lofanele ukwente. Kulungile.

¹⁶⁴ Manje bukani. Sizatfu ngenta loku, kungoba ngifuna nicondze. Angibati labazalwane laba lapha. Ngati lababili noma labatsatfu babo. Bangahle babe yiMethodisti, iBaptisti, iPresbyterian. Angati kutsi babobani. Asikho sidzingo sami sekutsi ngisho loko. Niyabona na? Manje, ngifuna nati kutsi emvakwekuba sengihambile . . .

¹⁶⁵ Sikhatsi lesinengi kakhulu, bavangeli beta edolobheni futsi wenta yonkhe intfo, niyabona, wenta kukhulekela labagulako nayo yonkhe intfo. Niyabona, loko akusikahle. Ngifuna kutikhokha kulesositfombe.

¹⁶⁶ Ngifuna nibone Jesu. Kuleliviki, ngitame ngawo onkhe emandla ami kunikhombisa kutsi Ulapha. Futsi uma ninekukholwa, yelulekani nje bese niyaMtfola, anidzingi kutsi nite elayinini. Kodvwa uma nifuna kulandzela lomBhalo, Bukhona baKhe bebuNkulunkulu, nitsintse sembatfo saKhe. Bukani nje, ini, labantfu laba labeme lapha, esikhashaneni lesendlulile, Nkulunkulu eZulwini uyati kutsi angikaze ngibabone emphilweni yami. Futsi bengingacala khona lapha, emizuzwini lembalwa bengingaculeka. Bangakhi lowatiko kutsi Jesu, ngesikhatsi loko kwenteka kuYe, lowo wesifazane asebentisa siphо saNkulunkulu, waba butsakatsaka? Bangakhi lowatiko kutsi emandla aphuma kuYe, bekungemandla aKhe na?

Futsi mine ngisoni. Kodvwa Jesu watsi, “Naleminengi kunalona nitawuyenta, ngoba Mine ngiya kuBabe waMi.”

¹⁶⁷ Manje sitonikela umkhuleko. Futsi ngifuna labafundisi kanye nami. Ngitoma khona lapha ngitsi cekelele, nami, ngibeke tandla etikwawowonkhe logulako. Futsi manje uma ni . . .

¹⁶⁸ Khumbulani! Lalelani! Kuveni Loko! Kukholweni! Uma ningeti nendlule, nikholwa, “Khona manje kucatululwa kute kube phakadze,” ungeti. Kutonenta kuphela nibe babi kakhulu. Kutovimba kukholwa kwenu. Kodvwa uma nikholwa kutsi niseBukhoneni baJesu Khristu, futsi akusitsi tinceku taKhe. Futsi siyachuba nje kuphela, bofakazi, njengoba sibeka tandla tetfu etikwenu, kutsi sikhola loku kutsi kuliCiniso. Futsi uma sibeka tandla etikwenu, kukholweni futsi niphume lapha, nitfokota, nitsi, “Siyakubonga, Nkhosi! Sekucatululwe konkhe.” Ungalokotsi untjintje umcondvo wakho.

¹⁶⁹ Manje khumbulani. Ake ngikucaphune loku futsi. Lalelisansi. Umcondvo wakho ungumsiti wakho welijaji, kulelicala. Netento takho kusukela lapha kuphume, kutoba kutsi, kutomemetela kutsi kwehlulela kwakho kuyini. Ungena lapha bese utsi, “Yebo-ke, angati,” niyabona, uyabona lapho waMehlulela khona. Utekiswa licala kulowo nalowo wenu. Ulapha, ebukhoneni bakho. Livi laKhe lilapha. Ucinisekisa Livi laKhe. Wena ulapha. Yena, Utekiswa licala kuwe, akatekiswa licala kimi. Mine ngiyaMkholwa. Utekiswa licala kuwe. Futsi uma uMkholwa, futsi uma uMehlulela kutsi wetsembekile eVini laKhe . . .

¹⁷⁰ Manje sebatolicondzisa nje lilayini, ngako bayalenta lapha, niyabona. Nje, nje ngilindzile nje aze alicondzise. Chubekelani embili nje niphume bese nenta lilayini lenu lelidze. Futsi ubuyele emuva ngco ngendlela lofika ngayo, uma sewuphuma.

¹⁷¹ Uma niMkholiwe, khona-ke intfo letsite itokwenteka. Khumbulani, manje, akukho mandla nakuloyedvwa walabafundisi laba. Kute emandla kimi. Akukho mandla kunoma ngumuphi umuntfu, kophilisa. Kodvwa sineligunya lelivela kuNkulunkulu, kwenta loku. Site emandla; sineligunya. *Nali* ligunya letfu, Livi laNkulunkulu, futsi Bukhona baJesu Khristu buyafakaza kutsi Ulapha. Ini? Nifanele niphiliswe, wonkhe umuntfu!

¹⁷² Manje sonkhe asikhotsamise tinhloko tetfu sisani kela umkhuleko munye. Futsi uMnaketfu Borders utawube eme lapha, ahola emaculo futsi acondzisa bantfu. Lapho nita nendlula manje, khulekani futsi nikholwe.

¹⁷³ Nonkhe butsanani, bafundisi lababanaketfu. Niyabona kutsi kungani ngente loku. Loko, uma sengihamba, libandla lenu liyati, nalo, labantfu laba labatfola kophiliswa, uyinceku yaNkulunkulu, futsi. Akusuye munye nje. Nkulunkulu akanayo nje inceku yinye; Unetinkhulungwane tato, wonkhe lowo

lotoLikholwa. Asikhotsamise tinhloko tetfu. Ninalo kakhulu nje impela lilungelo lekukhulekela labagulako, njengami, Roberts, noma ngumuphi lomunye.

¹⁷⁴ Babe loseZulwini, ngiyaKubonga futsi, enhlitiywani yami, futsi ngati tinhlitiyo lapha. Ninesizatfu lesiphatsekako kubeka loku eVini, ngoba sikubonile kusebenta, futsi siyati kutsi kuliciniso. Futsi siyati kutsi kuyosebenta kuwo wonkhe umuntfu. Futsi sikhuleka kuWe manje, Nkhosi, sibeka timiselo temphefumulo wetfu lucobo, ngesikhatsi sati kutsi Wena ulapha. Uphendvulile. Ukhulume Livi laKho levakala kitsi. Wena ulapha.

¹⁷⁵ Manje kwangatsi Ungasigcoba, Nkhosi, kutsi uma sibeka tandla tetfu etikwalabantfu laba labagulako, bantfu labagulako tatane bahleti lapha kulemvula kulentsambama, kwangatsi bonkhe bangasindza, futsi baye ekhaya balulame. Kwangatsi bangaba njenga-Abrahama, “babite letotintfo letatingekho, ngekungatsi tatikhona,” ngoba Nkulunkulu wenta setsembiso. Futsi Waba nguWe lowatsi, “Uma babeka tandla tabo etikwalabagulako, bayawusindza.” Awuzange utsi bayosindza ngaso lesosikhatsi, kodvwa Watsi bayosindza. Futsi siyakukholwa, Nkhosi. Sita wonkhe—wonkhe umuntfu kutsi akukholwe, Nkhosi, njengoba sinikela lomhlangano esandleni saKho. EGameni laJesu Khristu, silandzela imiYalo yaKho. Amen.

¹⁷⁶ Manje lilayini lalabakhulekelwako alicale. Mnaketfu Borders, tsatsa indzawo. [Akucoshwang etheyiphini—Umhl.] . . . kholwa? INkhosi inibusise.

¹⁷⁷ Sizatfu ngihlanganise tandla tami nani bomnaketfu lababafundisi, loko bekungoba labanye benu nonkhe bebagula, nabo, niyati. Futsi utikhiphe wena lapha kutsi ukhulekele labanye, futsi wakuyekela kanjalo. Akusikahle. Ngiyakholwa, njengoba sibambe tandla tetfu ndzawonye, ngikholwa kutsi Nkulunkulu ukuhloniphile loko.

¹⁷⁸ Futsi lapha, manje, lapha—lapha ngulabo labangakakhoni kufinyelela emhlanganweni; manje asikhuleke, sikhulekele lamaduku.

¹⁷⁹ Babe loseZulwini, siyafundzisa eBhayibhelini, kutsi—kutsi, “Batsatsa emtimbeni waPawula loNgcwele, emaduku netindvwangu.” Asisuye Pawula loNgcwele, kodvwa Wena usasolo unguJesu. Futsi siyakhuleka, Nkulunkulu, kutsi Utotfumela tibusiso taKho naladamaduku, futsi ubaphilise bonkhe. Ubente belulame, Nkhosi, ngenca yenkhafimulo yaKho. EGameni laJesu Khristu, siyakhuleka futsi siyawatfumela. Amen.

¹⁸⁰ Ngifuna kusho loku. Kutsi, nangita ngalelilayini, ngibone besifazane newesilisa baphetse bantfwana, futsi bebamanti. Niyangikhumbula nje, banaketfu lababafundisi, kutsi, emaviki

kusukela manje, niyatfola, kwakunentfo lenkhulu leyenteka lapha. Batosindza. Ngitsi emaphesenti langemashumi layimfica abo atosindza. Kunjalo. O, mine kwaku... Angikaze ngisive simo sekukholwa lesinje. Bekumangalisa impela. Ngiyabona ni... Manje yentani nje, chubekani futsi nente kungatsi sekwendlulile, akunandzaba uma ungakakuva. Unga... Akashongo kutsi, "Nikuvile yini?" Watsi, "Nikukholiwe yini? Nikukholiwe yini?" Futsi siyakukholwa. Futsi Ulapha manje, futsi siMnika—siMnika ludvumo nenkhatimulo, ngako konkhe loko Lakwentile.

¹⁸¹ Futsi bangani labatsandzekako labangemaKhristu, ngiyati batowuvala umhlangano emizuzwini lembalwa, futsi ngifuna kusho loku kini. Uma ngingasayophindze nighlangane nani ngakuloluhlangotsi lolu lweMfula, ngiyonibona Lapho naleliVangeli lelifanako, leNtfo lefanako. Manje khumbulani nje, kutsi lenikwemukele kulentsambama, umcondvo wenu bewubasiti benu belijaji. Bacabangisisile, benta sijubo sebasiti belijaji.

¹⁸² Manje chubekani nje nenta. Anginandzaba kutsi bewukhubatekile futsi ungakwati kunyakata; bani solo nje uchubeka ukukholwa. Yena, Watsi, "Bayosindza! Bayosindza!" Nguloko fakazi lakushito, wonkhe fakazi namuhla. Kusukela phansi le eBhayibhelini, Yena... ngaphandle uma Atsi intfo letentekelako itokwenteka. Kodvwa kuloludzaba, "Bayosindza," kunguloko kubekwa tandla. Manje uma umbono wentekile, futsi watsi, "loku kutoqwenteke ngesikhatsi lesitsite, sikhatsi lesitsite," khona-ke Ukhomba sikhatsi. Kodvwa kuloludzaba, Watsi, "Bayosindza." Kukholweni, ngayo yonkhe inhlitiyo yenu. Asihlabele futsi.

Site sibonane! site sibonane!
Site sibonane etinyaweni taJesu;
O, site sibonane! site sibonane!
Nkulunkulu abe nani site sibonane futsi!

¹⁸³ Manje ngaphambi nje, asichawulane nalomunye losedvute nawe, utsi, "Nkulunkulu akubusise, mngani longumKhristu." Unganyakati. Hlala nje, chawula lapho. "Nkulunkulu akubusise, mngani longumKhristu." Nkulunkulu akubusise. Nkulunkulu akubusise, mnaketfu. Nkulunkulu akubusise, mnaketfu. Nkulunkulu akubusise. Nkulunkulu akubusise, Roy.

¹⁸⁴ Manje asiphakamisele tandla tetfu kuKhristu, futsi sihlabele.

Site sibonane!
Asivale emehlo etfu futsi siphakamise tandla tetfu manje.
...site sibonane!
Site sibonane etinyaweni taJesu!



KUTEKA LICALA SSW64-0405
(A Trial)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo ntsambama, ngenyanga yaMabasa 5, 1964, e4-H Club Barn eLouisville, eMississippi, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org